

**YMGYNGHORIAD LLYWODRAETH CYMRU – TRWYDDEDU STATUDOL AR GYFER LLETY GWYLIAU
YNG NGHYMURU – ADBORTH ERBYN 17/3/23**

C1 Ydych chi'n cytuno neu'n anghytuno â'r cynnig i sefydlu cynllun trwyddedu fel y disgrifir ar gyfer pob math o lety ymwelwyr yng Nghymru?

• Cytuno

- Anghytuno
- Ddim yn Cytuno nac yn Anghytuno
- Beth yw'r rhesymau dros eich atebion? Pa effaith, yn gadarnhaol neu'n negyddol, y bydd y cynllun trwyddedu statudol ar gyfer pob math o lety ymwelwyr yn ei chael, yn eich barn chi?

CYTUNO: Mae'r Cyngor yn cytuno gyda'r cynnig i sefydlu cynllun trwyddedu fel y disgrifir ar gyfer pob math o lety ymwelwyr yng Nghymru. Mae angen cael gweithdrefn trwyddedu orfodol mewn lle fel modd o reoleiddio'r sector. Yn bresennol mae yna ddiffyg mecanwaith rheoleiddio yn bodoli ynghyd a mecanwaith sydd yn sicrhau fod safonau disgwylidig yn cael eu cyrraedd a'u cadw (iechyd a diogelwch).

Ymhellach fe fyddai gan weithdrefn drwyddedu orfodol y fantais ychwanegol o fod yn gronfa gwybodaeth (math, ansawdd a lleoliad) a fydd yn cynorthwyo i gael gwell dealltwriaeth o'r ddarpariaeth bresennol ynghyd ac adnabod anghenion y dyfodol (wrth lunio strategaethau a pholisïau perthnasol) Yn arf gwybodaeth hefyd i wella y cyswllt ar cyfathrebu gyda'r sector.

C2 Os ydych chi'n anghytuno â'r cynnig i sefydlu cynllun trwyddedu, a ydych chi'n cytuno â chreu cynllun cofrestru ar gyfer pob math o lety ymwelwyr yng Nghymru?

- Cytuno – os ydych chi'n cytuno â chreu cynllun cofrestru, sut y dylai'r cynllun weithredu yn eich barn chi?
- Anghytuno – nid wyf am weld cynllun trwyddedu na chynllun cofrestru
- Ddim yn Cytuno nac yn Anghytuno
- Beth yw'r rhesymau dros eich atebion? Pa effaith, yn gadarnhaol neu'n negyddol, y bydd y cynllun cofrestru ar gyfer pob math o lety ymwelwyr yn ei chael yn eich barn chi?

Ddim yn berthnasol, gweler yr ymateb i cwestiwn 1.

C3 Ydych chi'n cytuno neu'n anghytuno y bydd cyflwyno cynllun trwyddedu statudol fel y disgrifir yn sicrhau tegwch i bob darparwr llety sy'n gweithredu yng Nghymru?

• Cytuno

- Anghytuno
- Ddim yn Cytuno nac yn Anghytuno
- Beth yw'r rhesymau dros eich atebion?

CYTUNO : Credir y byddai gweithdrefn trwyddedu yn sicrhau fod pawb sydd yn darparu llety gwyliau yn gweithredu i'r un gofynion a chan hynny sicrhau tegwch a chysondeb.

Ymhellach fe fyddai trefn trwyddedu yn hytrach na chofrestru yn sicrhau fod angen cyrraedd gofynion penodol a chyflwyno tystiolaeth i gefnogi i'w dilysrwydd i fod yn ddarparwyr llety gwyliau.

Byddai angen cytuno ar y dystiolaeth sydd ei angen a'r safonau sydd angen eu cyrraedd gan y gallai hyn olygu gwaith sylweddol.

C4 Ydych chi'n cytuno neu'n anghytuno bod angen i Lywodraeth Cymru lunio rhestr o ddarparwyr llety ymwelwyr yng Nghymru er mwyn gwybod pwy sy'n gweithredu yn y diwydiant?

• Cytuno

- Anghytuno
- Ddim yn Cytuno nac yn Anghytuno
- Beth yw'r rhesymau dros eich atebion?

CYTUNO: Hanfodol bwysig er mwyn cael gwell dealltwriaeth o berfformiad y sector twristiaeth yn lleol ynghyd a bod o gymorth wrth lunio Strategaethau a Pholisïau perthnasol yn y dyfodol.

Economi Ymweld Cynaliadwy + perchnogaeth + marchnata cynnig Gwynedd.

C4A Ydych chi'n cytuno neu'n anghytuno bod angen i awdurdodau lleol lunio rhestr o ddarparwyr llety ymwelwyr yng Nghymru er mwyn gwybod pwy sy'n gweithredu yn y diwydiant?

- Cytuno

• Anghytuno

- Ddim yn cytuno nac yn anghytuno
- Beth yw'r rhesymau dros eich atebion?

Anghytuno Gweler cwestiwn 4 uchod Mae Cyngor Gwynedd yn credu y dylai hon fod yn broses genedlaethol o ran cysondeb casglu data a sy'n gweithredu i safonau a goruchwyliaeth genedlaethol.

C5 Ydych chi'n cytuno neu'n anghytuno y bydd cyflwyno cynllun trwyddedu statudol yn sicrhau llwyfan effeithiol ar gyfer cyfathrebu rhwng Llywodraeth Cymru ac awdurdodau lleol a darparwyr llety ymwelwyr yng Nghymru?

• Cytuno

- Anghytuno
- Ddim yn Cytuno nac yn Anghytuno
- Beth yw'r rhesymau dros eich atebion?

CYTUNO: Yn ddibynnol ar sicrhau fod y broses gywir wedi cael ei ddilyn a bod yna adnoddau priodol ar gael. Diffyg presennol o ran cyfathrebu lleoliadau sydd heb eu graddio – byddai hyn yn caniatáu cyfathrebu a hyrwyddo'r cynnig cyfan yn deg . Byddai hefyd yn gwella argaeledd gwybodaeth i alluogi cyfathrebu amserol gyda 'r holl ddarparwyr llety . Hyn wedi amlygu fel her yn ystod cyfnod COVID.

C6 Ydych chi'n cytuno neu'n anghytuno y bydd cyflwyno cynllun trwyddedu statudol yn sicrhau bod mwy o hyder mewn darparwyr llety ymwelwyr a llety yng Nghymru?

• Cytuno

- Anghytuno
- Ddim yn Cytuno nac yn Anghytuno
- Beth yw'r rhesymau dros eich atebion?

CYTUNO :Mae cael strategaeth cyfathrebu a chyfnod o godi ymwybyddiaeth yn rhan annatod o lwyddiant y darpar Gynllun Trwyddedu. Drwy godi ymwybyddiaeth gyhoeddus o amcan y Cynllun Trwyddedu mae'n debygol o sicrhau fod gan unigolion sydd yn chwilio am ddarparwyr lety gwyliau fwy o hyder fod y gofynion hanfodol (iechyd a diogelwch) yn cael eu tystiolaethu gan y llety gwyliau a chan hynny yn cadarnhau dilysrwydd a hygrededd yn y darparwyr.

Llawer o adolygiadau annibynnol heddiw ar gyfer darparwyr trwy platfformau digidol – ond gallai hwn fod yn ffordd cyson o sicrhau safonau.

C7 Rydym o'r farn y dylai cynllun statudol gael ei weithredu ar sail hybrid, gan ymdrin ag elfennau craidd megis cofrestru darparwyr a phrosesu ceisiadau ar sail genedlaethol, gyda champau gorfodi yn cael eu cymryd gan awdurdodau lleol yn ôl y gofyn .Ydych chi'n cytuno neu'n anghytuno â hyn?

- Cytuno
- **Anghytuno.** Os ydych chi'n anghytuno, beth yw'r ffordd orau o weinyddu a gorfodi'r cynllun yn eich barn chi?
- Ddim yn Cytuno nac yn Anghytuno
- Beth yw'r rhesymau dros eich atebion?

ANGHYTUNO: Nid oes gan Gyngor Gwynedd y capasiti na'r staff i fedru ymgymryd a'r gofyn yma. Byddai'n afresymol disgwyl i'r Awdurdodau Lleol orfodi'r maes yma ac mae angen i hwn gael ei adnabod fel cynllun cenedlaethol sy'n plethu mewn i amcanion hyrwyddo a marchnata cynnig llety gwyliau Cymru.

Angen sicrhau fod modd cael gwybodaeth allan o gofrestr genedlaethol i lefel awdurdod lleol ynghyd a sicrhau fod modd cael gwybodaeth lleol am darpariaeth o fewn gwahanol ardaloedd.

C8 Cynigir bod yr holl lety ymwelwyr yn cael ei ystyried o fewn cwmpas cynllun statudol. Ydych chi'n cytuno neu'n anghytuno â hyn?

• Cytuno

- Anghytuno
- Ddim yn Cytuno nac yn Anghytuno

- Beth yw'r rhesymau dros eich ateb?

I greu system teg mae angen cynnwys pob math o lety o fewn cwmpas cynllun statudol. Dylid creu mecanwaith i reoli y llety sydd ddim yn cael l'w rheoli ar hyn o bryd a ni ddylid ychwanegu baich ar y rhai sydd yn cael l'w rheoli drwy weithdrefnau megis e.e trwyddedu .Oes yna fygythiad fod hyn yn mynd i ddyblygu gweithdrefnau sydd yn bodoli eisoes. Hynny yw oes yna ofynion tebyg gan Croeso Cymru neu gan trwyddedu ar gyfer safleoedd carafanau?

Mae cyfundrefnau mewn lle ar gyfer llety gwyliau amrywiol e.e trwyddedu ar gyfer meysydd carafanau a deddfwriaeth berthnasol, graddio llety gwyliau 'gwirfoddol' Croeso Cymru / AA ayb.

Dylid datblygu system sydd yn caniatáu derbyn cyfundrefnau rheoli presennol rhai mathau o lety e.e carafanau a bod yr elfen hynny yn haen or system rheolaeth / cofnodi tystiolaeth ehangach.

C9 A allwch chi nodi unrhyw fath o lety ymwelwyr y dylid ei eithrio rhag bod yn rhan o gynllun statudol a beth yw'r rhesymau dros eich ateb (e.e. llety a ddefnyddir at ddibenion addysg neu grwpiau agored i niwed yn unig)?

SYLW :Mae angen ystyried trefniadau ar gyfer meysydd llety gwyliau sydd eisoes o dan oruchwyliath e.e. wedi' trwyddedu fel nad oes dyblygu.

C10 Rydym yn cynnig y dylai fod yn ofynnol i bwy bynnag sy'n gyfrifol am osod y llety at ddibenion gwyliau mewn safleoedd carafanau a/neu feysydd gwersylla (h.y. perchennog y parc neu'r perchennog unigol) gael trwydded. Ydych chi'n cytuno neu'n anghytuno â'r cynnig hwn?

Cytuno

- Anghytuno
- Ddim yn Cytuno nac yn Anghytuno
- Beth yw'r rhesymau dros eich ateb?

CYTUNO :Pwysig fod y sawl sydd yn gyfrifol am y trefniadau gosod yn sicrhau fod y safonau hanfodol yn cael ei gyrraedd. Grym a chyfrifoldeb yn eu dwylo hwy.

Mae angen sicrhau bod trefniadau trwyddedu ayb yn cael eu defnyddio yn hytrach na dyblygu ar gyfer trwyddedu gorfodol.

C10A Oes gennych unrhyw sylwadau neu awgrymiadau eraill ynglŷn â chynllun statudol a'r sector carafanau a gwersylla?

Dim i'w nodi.

C11 Rydym yn cynnig y dylai trwydded fod yn ofynnol hyd yn oed os mai'n anaml y mae'r llety ymwelwyr yn gweithredu (gan gynnwys am un noson y flwyddyn).Ydych chi'n cytuno neu'n anghytuno â'r cynnig hwn?

• Cytuno

- Anghytuno
- Ddim yn Cytuno nac yn Anghytuno
- Beth yw'r rhesymau dros eich ateb?

CYTUNO :Ni ddylai amllder gosod effeithio ar yr angen i dderbyn trwydded yn enwedig os oes angen profi cymhwysedd safonol o ran materion iechyd a diogelwch ac ansawdd i ddarpar gwsmeriaid. Gwbl bwysig gan hynny fod holl ddarparwyr yn cael ei gynnwys.

Dylid o bosib ystyried y diffiniadau gwahanol sydd yn ar gyfer llety gwyliau (e.e. diffiniadau er pwrpas cynllunio) wrth ystyried yr agwedd yma gall wrth gwrs fod yn golygu fod defnydd angen trwydded ond ella ddim angen caniatâd cynllunio.

C12 Ydych chi'n cytuno â'r angen am drwydded gyfyngedig ar gyfer digwyddiadau untro neu flynyddol?

- Cytuno
- Anghytuno. Os ydych chi'n anghytuno, oes gennych unrhyw awgrymiadau ynglŷn â sut y gallai darparwyr llety sy'n gweithredu ar sail dros dro ar gyfer digwyddiadau untro gael eu rheoleiddio er mwyn sicrhau diogelwch ymwelwyr a thegwch?

• Ddim yn Cytuno nac yn Anghytuno

- Beth yw'r rhesymau dros eich ateb?

DDIM YN CYTUNO NAC YN ANGHYTUNO: Mae trefniadau trwyddedu mewn lle ar gyfer digwyddiadau un-tro megis yr Eisteddfod a all ddiwallu'r angen yma ac felly mae'n bwysig peidio dyblygu

Yng Nghymru mae'r Eisteddfod/Sioeau Amaethyddol yn enghraifft o wyl flynyddol sydd yn arwain at gynnydd yn y galw am ddarpariaeth achlysurol o lety gwyliau mewn ardal benodol. Mewn rhai ardaloedd ble fo'r galw yn uwch na'r ddarpariaeth, mae enghreifftiau/achlysuron yn codi pan fo perchnogion eiddo yn penderfynu gosod eu heiddo hwy am gyfnod penodol er mwyn ateb y galw. Mae'r ddarpariaeth hyn yn aml yn gallu bod yn ddarpariaeth fforddiadwy ac yn ffordd rhwydd o ddiwallu'r angen.

Pryderir y galli'r gofynion yn gysylltiedig â gosod llety gwyliau ar gyfer y math yma o ddefnydd, a thrwy hynny cyd-fynd efo'r holl anghenion cysylltiedig fod yn feichus ar gyfer cyfnod y ddarpariaeth. Cwestiynir os oes yna ymagwedd fwy hyblyg a llai beichus y gellir ei gymryd?

C13 Rydym yn cynnig y dylai darparwyr llety ymwelwyr ddarparu'r wybodaeth / y ddogfennaeth uchod ac y dylai fod yn ofynnol iddynt roi tystiolaeth/cadarnhad eu bod yn cydymffurfio â'r gofynion fel y nodir uchod

• Cytuno

• Anghytuno. Os ydych chi'n anghytuno, pa wybodaeth / dogfennaeth / tystiolaeth y dylid bod yn rhaid i ddarparwyr ei chyflwyno er mwyn gwneud cais am drwydded?

• Ddim yn Cytuno nac yn Anghytuno

• Beth yw'r rhesymau dros eich ateb?

CYTUNO : Yr hyn a ofynnir amdano yn ymddangos fel gwybodaeth hanfodol er mwyn sicrhau fod y ddarpariaeth llety gwyliau yn cyrraedd gofynion o ran safonau a gofynion iechyd a diogelwch.

C14 Rydym yn cynnig y dylid cynnal arolygiadau ar gymhareb o 1:50 drwy ddefnyddio dull gweithredu sy'n seiliedig ar risg ac arolygiadau ychwanegol mewn ymateb i gwynion cwsmeriaid neu bryderon eraill sy'n cael eu dwyn i sylw'r awdurdod trwyddedu. Ydych chi'n cytuno neu'n anghytuno â'r cynnig hwn?

• Cytuno

• **Anghytuno.** Os ydych chi'n anghytuno, beth y dylid ei wneud yn lle hynny yn eich barn chi er mwyn sicrhau bod deiliaid trwyddedau yn bodloni'r meini prawf perthnasol?

• Ddim yn Cytuno nac yn Anghytuno

• Beth yw'r rhesymau dros eich ateb?

ANGHYTUNO : Nid yw amllder cynnal yr archwiliadau yn eglur. Hynny yw ai cynnal archwiliad ar gyfradd 1:50 ar gyfer darparwyr yn flynyddol fyddai'r bwriad? Er ddim yn gwrthwynebu'r egwyddor o ddefnyddio cyfradd/canran, rhaid cofio fod yna ystod eang o ran math a niferoedd o lety gwyliau ar draws Gymru gyfan. Gan hynny fe fyddai rhaid sicrhau fod yr adnoddau priodol ar gael er mwyn cynnal yr archwiliadau yn enwedig os yw hyn yn faich ar yr Awdurdod Lleol. Ymhellach, nodir nad yw'n eglur o'r ddogfen ymgynghori pwy fyddai'n gyfrifol am gynnal yr archwiliadau.

A fyddai'n fwy doeth sicrhau fod yr archwiliadau yn cael ei gynnal yn achlysurol dros gyfnod o amser penodol, er enghraifft pob dwy flynedd. Hyn yn sicrhau cysondeb.

Ymhellach credir fod cynnal canran o'r archwiliadau yn seiliedig ar gwynion yn annoeth. Ystyrir (pan yn briodol ac yn berthnasol) y dylai pob cwyn arwain at archwiliad, gyda'r egwyddor o gynnal archwiliadau achlysurol yn berthnasol i'r holl weithredwyr eraill.

C15 Ydych chi'n cytuno â'r egwyddor y dylai ddarparwyr llety ymwelwyr nad ydynt yn cydymffurfio wynebu mesurau gorfodi?

• **Cytuno.** Os ydych chi'n cytuno, pa fesurau gorfodi y dylid / na ddylid eu defnyddio, yn eich barn chi?

- Anghytuno. Os ydych chi'n anghytuno, pa fesurau amgen y byddech yn eu hawgrymu er mwyn sicrhau cydymffurfiaeth?
- Ddim yn cytuno nac yn anghytuno
- Beth yw'r rhesymau dros eich ateb?

CYTUNO: Oni bai fod yna fesurau gorfodaeth briodol mewn lle, mae'r ymarferiad a'r gofynion yn ddiwerth, ond bydd hyn angen adnoddau ychwanegol sylweddol a dylid gweithredu hyn ar lefel genedlaethol.

O gysidro nad oes Deddfwriaeth perthnasol yn bodoli yn y maes yma parthed diogelwch, fydd angen datblygu a gweithredu Deddfwriaethau newydd i sicrhau safonau gyda darpariaeth adnoddau sylweddol. Bydd y darpariaeth i sicrhau cydymffurfiaeth yn amrywio o Awdurdod i Awdurdod yn unol a'r niferoedd o lety ymwelwyr sydd yn bodoli ym mhob Sir.

C16 Ydych chi'n cytuno y dylid cynnwys prawf person cymwys a phriodol neu brawf tebyg fel rhan o ofynion y cynllun ar gyfer pob darparwr llety ymwelwyr?

• **Cytuno**

- Anghytuno. Os ydych chi'n anghytuno, pa ffyrdd eraill, yn eich barn chi, y gellid eu defnyddio i gadarnhau bod darparwyr yn bobl addas i osod llety i ymwelwyr?
- Ddim yn Cytuno nac yn Anghytuno
- Beth yw'r rhesymau dros eich ateb? Pa faterion y dylai neu na ddylai'r awdurdod trwyddedu eu hystyried, yn eich barn chi, wrth iddynt benderfynu a yw person yn berson cymwys a phriodol i roi trwydded iddo?

CYTUNO : Hyn yn ystyriaeth gyda trefniadau trwyddedu ar arferol ac yn iawn mewn egwyddor, er mwyn sicrhau fod yr unigolyn yn gymwys ac er mwyn rhoi ffydd i'r sawl fydd yn aros yn y llety o'i gymhwysedd. Ystyrir hefyd ei fod yn bwysig fod yna feini prawf penodol ar gyfer prawf person cymwys a phriodol yn cael ei gosod allan yn glir i sicrhau cysondeb yn y broses.

C17 Hoffem gael eich barn ynghylch a ddylai pob darparwr llety ymwelwyr dalu'r un ffi safonol neu a ddylai'r ffioedd fod ar raddfa (h.y. yn seiliedig ar y math o lety ymwelwyr a maint y llety ymwelwyr)?

ADBORTH : Cytunir gyda'r egwyddor o godi ffi ar ddarparwyr llety. Mae cytuno i'r egwyddor yn ddibynnol ar y ffi a fwriedir ei osod.

Hynny yw os yw'r gost yn gysylltiedig â'r ffi yn gymharol fychan efallai y byddai'n haws ac yn dderbyniol gosod yr un ffi.

Credir hefyd ei fod yn ddibynnol ar beth yw oblygiadau archwiliadau posib o lety ymwelwyr, hynny yw a yw'n golygu llawer iawn fwy o waith ac amser efo safle mawr (nifer o unedau gwyliau) o'i gymharu a safle bach (nifer bach o unedau gwyliau) yna credu dylai'r ffi adlewyrchu'r gwahaniaeth costau archwilio yma.

C17a Ydych chi'n cytuno y dylai pob darparwr llety ymwelwyr dalu'r un ffi?

o Cytuno

- o Anghytuno
- o Ddim yn Cytuno nac yn Anghytuno
- o Beth yw'r rhesymau dros eich ateb?

CYTUNO: Gweler yr ymateb i gwestiwn 17.

17b Ydych chi'n cytuno y dylai ffioedd fod ar raddfa yn seiliedig ar faint y llety ymwelwyr?

- o Cytuno
- o Anghytuno
- o Ddim yn Cytuno nac yn Anghytuno
- o Beth yw'r rhesymau dros eich ateb?

ADBORTH :Gweler yr ymateb i gwestiwn 17.

C18 Yng Nghwestiwn 12, gofynnwyd am drwyddedau cyfyngedig am ddiwyddiadau untro neu flynyddol. Ydych chi'n cytuno neu'n anghytuno y gallai darparwyr wneud cais am drwydded untro am gost ostyngol?

- Cytuno
- Anghytuno

• Ddim yn Cytuno nac yn Anghytuno

- Beth yw'r rhesymau dros eich ateb?

DDIM YN CYTUNO NAC YN ANGHYTUNO: Os yw cynnal archwiliadau yn rhan o gost y ffi, ac os na fydd yna archwiliadau yn cael ei gynnal yn gysylltiedig â chynnal archwiliadau ar gyfer darparwyr un tro ystyrir na fyddai'n briodol fod darparwyr o'r math hyn yn talu'r ffi safonol .

C19 Pa mor aml y dylai fod yn ofynnol i ddarparwyr llety ymwelwyr adnewyddu eu trwydded?

- Bob blwyddyn
- Bob 2 flynedd
- Bob 3 blynedd
- Bob 4 blynedd
- Bob 5 mlynedd
- Beth yw'r rhesymau dros eich ateb?

ADBORTH : A yw amllder adnewyddu angen fod yn seiliedig ar yr amllder sydd angen adnewyddu'r dogfennau cysylltiedig? Hynny yw, er enghraifft, os yw'n ofynnol cyflwyno Prawf Tystysgrif Diogelwch Nwy, pa mor aml sydd angen adnewyddu'r prawf hynny (ynghyd a phrofion eraill)? Un ai fod y cyfnod adnewyddu yn cyd-fynd gyda gofynion hanfodol eraill neu fod yna system yn ei le ble fo rhaid gwybyddu'r Awdurdod hefo'r wybodaeth ddiweddaraf hyn.

C20 Os bydd yn ofynnol adnewyddu trwyddedau'n llai aml na phob blwyddyn, ydych chi'n cytuno neu'n anghytuno y dylai fod yn ofynnol i ddarparwyr llety ymwelwyr gymryd rhan mewn adolygiad blynyddol h.y. lawrlwytho tystiolaeth gyfredol/cadarnhad eu bod yn cydymffurfio â gofynion eu trwydded?

• Cytuno

- Anghytuno
- Ddim yn Cytuno nac yn Anghytuno
- Beth yw'r rhesymau dros eich ateb?

CYTUNO : Gweler y cyfiawnhad i gwestiwn 19 uchod.

C21 Rydym yn cynnig, fel rhan o'r broses gwneud cais am drwydded, y gofynnir i ddarparwyr llety gydsynio i'r wybodaeth a ddarperir ganddynt gael ei rhannu rhwng awdurdodau a phartneriaid allweddol at ddibenion cyfathrebu, diogelwch, cydymffurfiaeth, gorfodi a rhoi ardoll ymwelwyr ar waith. Ydych chi'n cytuno neu'n anghytuno â'r cynnig hwn?

• Cytuno

- Anghytuno. Os ydych chi'n anghytuno, a wnewch chi ddweud pa wybodaeth (os o gwbl) a ddylai gael ei rhannu rhwng awdurdodau a phartneriaid allweddol yn eich barn chi?
- Ddim yn Cytuno nac yn Anghytuno
- Beth yw'r rhesymau dros eich ateb?

CYTUNO: Hyn yn hanfodol ac allweddol er mwyn sicrhau fod y gofynion ar y gweithredwyr ddim yn rhy feichus ac yn osgoi dyblygu gwaith.

C22 Ydych chi'n cytuno neu'n anghytuno â'r cynnig y dylai fod yn ofynnol i bob darparwr llety arddangos ei rif trwydded ar bob deunydd hysbysebu/marchnata ac yn ei lety i ymwelwyr ac y dylai fod yn agored i gosbau os nad yw'n cydymffurfio?

• **Cytuno**

- Anghytuno
- Ddim yn Cytuno nac yn Anghytuno
- Beth yw'r rhesymau dros eich ateb?

CYTUNO: Hyn i weld fel gofyniad rhesymol ac yn rhoi ffydd/tawelwch meddwl drwy gyfrwng rhwydd (gweledol) fod y gweithredwyr yn cydymffurfio hefo'r gofynion hanfodol, hynny yw eu bod wedi cyrraedd y gofynion hanfodol ac yn gymwys ar gyfer derbyn trwydded.

C23 Ydych chi'n cytuno neu'n anghytuno â'r cynnig Y DYLAID FOD YN OFYNNOL i drefnwyr gwyliau ar-lein, sefydliadau masnach teithio, sianeli archebu a sianeli cyfryngau cymdeithasol eraill, llwyfannau marchnata ac asiantaethau hunan ddarpar arddangos rhif trwydded y llety ymwelwyr y maent yn ei hyrwyddo ar eu rhestrau a/neu hysbysebion ac y dylent fod yn agored i gosbau os ydynt yn hysbysebu llety ymwelwyr heb drwydded yn fwriadol neu'n esgeulus?

• **Cytuno** – Pa gosbau y dylid eu rhoi o dan yr amgylchiadau hyn yn eich barn chi?

- Anghytuno – Oes unrhyw gosbau na ddylid eu rhoi o dan yr amgylchiadau hyn yn eich barn chi?
- Ddim yn Cytuno nac yn Anghytuno
- Beth yw'r rhesymau dros eich ateb? Sylwadau terfynol

CYTUNO : Cymerir mai cosb ariannol y dylai'r cam cyntaf ei fod, yna os yw'r sefyllfa ddim yn newid y byddai'n briodol ystyried camau pellach, er enghraifft diddymu'r drwydded.

C24 Hoffem wybod eich barn am yr effeithiau y byddai cynllun trwyddedu statudol yn eu cael ar y Gymraeg, yn benodol ar gyfleoedd i bobl ddefnyddio'r Gymraeg ac ar beidio â thrin y Gymraeg yn llai ffafriol na'r Saesneg. Beth fyddai'r effeithiau, yn eich barn chi? Sut y gellid cynyddu effeithiau cadarnhaol, neu leihau effeithiau negyddol?

ADBORTH : A all elfen o'r ffi trwyddedu neu ardoll ymwelwyr gael ei ddefnyddio i amlygu ac hyrwyddo yr Iaith Gymraeg a'r diwylliant o fewn gwahanol ardaloedd.

Gellid amlygu y ddarpariaeth ar gefnogaeth sydd ar gael i fusnes o ran defnydd or Gymraeg a Naws am Le e.e Helo Blod ac canllaw Naws am le, Croeso Cymru.

C25 Oes gennych unrhyw wybodaeth neu dystiolaeth o effaith unrhyw fathau gwahanol o gynlluniau sydd eisoes yn rhedeg, neu ddulliau gweithredu a fabwysiadwyd mewn rhannau eraill o'r byd, y gallai Llywodraeth Cymru ddysgu ganddynt neu eu rhoi ar waith?

ADBORTH :Yn credu fod yn werth cyfeirio at y trefniadau sydd yn weithredol yn Gogledd Iwerddon ac ella mai rhywbeth tebyg sydd ei angen yma?

<https://www.tourismni.com/business-guidance/sector/accommodation/accommodation-getting-started/what-do-you-need-to-consider/>

C26 Oes gennych unrhyw sylwadau eraill ar y cynllun trwyddedu statudol arfaethedig nas cwmpaswyd yn eich atebion i unrhyw un o'r cwestiynau uchod?

ADBORTH :Ystyrir fod y Cynllun Trwyddedu yn un o ystod o fecanweithiau hanfodol sydd angen ei roi ar waith er mwyn ceisio cael rheolaeth dros y defnydd a wneir o dai fel llety gwyliau. Gan hynny, llwyr cefnogir egwyddor y bwriad ac ystyrir fod yna fanteision amlwg cysylltiedig.

Pwysleisir y bydd angen sicrhau fod yna hyfforddiant ac adnoddau priodol ar gael er mwyn sicrhau llwyddiant y mesur rheoli hwn.

Os oes cynlluniau i drosglwyddo'r cyfrifoldebau am orfodaeth a sicrhau safonau ynghlwm a'r cynllun trwyddedu yma i Lywodraeth Leol, mae pryder sylweddol am adnoddau fyddai ei angen i gwblhau a sicrhau llwyddiant unrhyw gynllun.

Er bod y Cyngor yn cefnogi'r egwyddor o ddatblygu cynllun cofrestru gorfodol ar gyfer llety gwyliau, dylid nodi bod rhai o fewn y sector yn lleisio pryderon ynghylch creu prosesau ychwanegol i fusnesau twristiaeth sydd eisoes yn wynebu heriau wrth ail-adeiladu busnes yn sgil Brexit, Covid a heriau costau byw. Byddai angen i unrhyw brosesau a threfniadau cofrestru newydd fod mor syml a phosib.

C27 Oes unrhyw beth arall yr hoffech ei ddweud a fyddai'n helpu Llywodraeth Cymru i fwrw ymlaen â'i chynigion yn eich barn chi? Na dim.